



Islah - Ikhlas - Istiqamah  
Sikit-Sikit, Lama-Lama Jadi Bersih





PPM-011-11-29112020



# Sebuah NGO berdaftar

GPI bermatlamat dan berkempen untuk meningkatkan kesedaran kebersihan dan penjagaan alam sekitar dalam kalangan masyarakat dengan Islah, Ikhlas dan Istiqamah.



## Islah

Usaha untuk mengembalikan sesuatu keadaan kepada suatu keadaan yg betul, tepat dan sesuai.

## Ikhlas

Dengan hati suci, tidak menipu atau tidak berpura-pura, tulus dan tidak mengharapkan apa-apa balasan.

## Istiqamah

Ketaatan menjalankan sesuatu suruhan secara terus-menerus (termasuk urusan agama).

Sumber : DBP



Geng Plastik Ija

## VISI

GPI berwawasan agar Terengganu dan pantai-pantainya menjadi suatu negeri dan pantai yang terbersih dengan didokong oleh komunitinya yang cintakan alam sekitar.

## MISI

GPI berusaha untuk memacu perubahan positif di kalangan komuniti setempat dan menyemai sifat tanggung-jawab bersama dalam pemeliharaan dan pemuliharaan alam sekitar.



# Sejarah ringkas Geng Plastik Ija



Aktiviti GPI bermula pada Nov 2017 di pantai Kuala

Kertih apabila beberapa sukarelawan melakukan plogging bagi membersih pantai ini dari sampah2 bawaan air serta sampah tinggalan pengunjung.

Aktiviti sukarela ini mendapat sokongan dari komuniti setempat. Dari masa ke semasa semakin ramai yang menyertai aktiviti plogging di pantai ini.

Pada pertengahan 2020, aktiviti GPI berkembang ke pantai2 lain di daerah Kemaman. Pada November 2020, GPI didaftarkan di bawah Jabatan Pendaftaran Pertubuhan Malaysia.

GPI seterusnya berkembang ke daerah2 lain di Terengganu bila geng GPI Dungun, GPI Marang, GPI Kuala Terengganu serta GPI Besut terbentuk dengan diketuai dan disokong oleh komuniti di daerah berkenaan.

Untuk usaha kitar semula pula, pada Okt 2020, GPI mula mengasingkan botol-botol plastik yang dikutip di tepi pantai dan dihantar ke pusat kitar semula.

Kertih → Kemaman → Terengganu



# Organisasi GPI

(Sesi 2023 - 2024)




Kelab Geng Plastik Hijau Terengganu  
 (PPM-011-11-29112020)  
 Lot 4575, Jalan Kolam,  
 24300 Kertih, Terengganu  
 0199184575

Nama	No Telefon	Jawatan
Zulkefli Bin Sarji	019-9184575	Pengerusi
Ruslin Bin Yahya & Kamaruddin	013-9926791	Tim. Pengerusi / Ketua GPI Kemaman
Reeza Redzuan Bin Rosnan	011-33858852	Setiausaha
Muhammad Azizul Hikmi Bin Fouzi	013-5999438	Setiausaha-2
Rosli Bin Awang	011-20690144	Bendahari
Salmah Binti Muda	019-9471996	AJK
Fadli Bin Hamid	014-8062823	AJK
Normazita Binti Ali	019-9864575	AJK
Mohamad Ariff Hafizi Bin Fouzi	017-4068449	AJK (Ketua GPI K. Terengganu)
Masdi & Aminuddin Bin Mohamad	013-7373094	AJK (Ketua GPI Dungun)
Afifah Binti Ab Aziz	019-7822129	AJK (Ketua GPI Besut)
Abdul Rahim Embong	013-9276974	AJK (Ketua GPI Marang)
Lukman Bin Hasan Husin Basri	011-59965100	AJK (Media)



## AHLI JAWATANKUASA SESI 2023 & 2024





Pada 28hb Ogos 2022, GPI telah diiktiraf sebagai NGO Friends of Unity (FOU) oleh Jabatan Perpaduan Negara dan Integrasi Nasional (JPNIN) atas usaha berterusan GPI dalam menyemai semangat kesularawanan dan sikap tanggung jawab bersama di dalam komuniti.





Setakat Jul 2022, ahli berdaftar GPI mencecah 702 orang dari seluruh negeri Terengganu. Mereka terdiri dari perbagai peringkat umur dari pelajar hingga ke pesara, pelbagai bangsa serta pelbagai latar belakang profesi. Semua bersatu atas niat inginkan Terengganu menjadi lebih bersih.

## Kenali ahli Geng Plastik Ija

Ahli Geng Plastik Ija adalah seorang yang :

- Positif dan percaya diri mampu membawa perubahan yang baik kepada alam serta persekitarannya.
- Ikhlas dalam usaha membantu Terengganu menjadi lebih bersih.
- Istiqamah dalam usahanya, sentiasa cuba untuk menyumbang tenaga walaupun sedikit.
- Berkempen melalui contoh tauladan.
- Percaya kepada prinsip "Shared Responsibility" dan memiliki sikap "Sense of Belonging".
- Tidak menuding jari dan mencari salah tetapi berusaha mencari penyelesaian.
- Tidak mengeluarkan kata2 cacian tetapi sentiasa mendoakan agar semua akan berubah ke arah kebaikan.
- Menjadi inspirasi kepada generasi baru agar lebih mencintai alam sekitar
- Berusaha mengamalkan konsep 3R dalam urusan hariannya.

# GPI di Pantai Santuari Penyu Ma' Daerah, Kertih





Terengganu memiliki hamparan pantai yang cantik dengan pasir yang bersih. Dari Kemaman ke Besut, serta beberapa pulau di Terengganu, negeri ini memiliki jajaran pantai sepanjang 244 km. Ia adalah aset yang amat penting bagi Terengganu dalam menjana ekonomi setempat melalui peluang2 perniagaan dan pekerjaan yang diransang oleh sektor pelancongan.

## Malangnya....

Sampah2 bawaan air kerap dilihat di merata2 pantai terutama selepas musim tengkujuh.

Sampah2 ini berasal dari sampah2 yang dibuang di merata2 tempat, di tepi2 jalan, bandar2 dan kampung2 yang kemudianya memasuki longkang2, sungai2 dan akhirnya masuk ke laut semasa musim tengkujuh. Sebahagiannya akan terdampar di pantai2.

Banyak juga sampah2 (terutama botol2 plastik) yang berasal dari luar negara seperti Vietnam, China dll. Semua ini mencemar pantai kita yang cantik.





Pukat, tali,  
pelampung.....

Sampah yang berasal dari sektor perikanan (pukat-pukat, tali-tali, pelampung, polysterene dan sebagainya) adalah antara sampah yang kerap dijumpai terdampar di pantai-pantai di Terengganu. Selain merosakkan alam sekitar, merosakkan kawasan penyu mendarat dan bertelur, ianya juga merosakkan kecantikkan pantai-pantai yang mengurangkan tarikan pengunjung serta boleh menjelaskan sosio ekonomi komuniti setempat yang berkaitan dengan pelancongan. Sampah jenis ini juga boleh mencederakan dan memerangkap penyu semasa ia mendarat untuk bertelur.



Sikap tidak bertanggung-jawab pengunjung pantai dan tempat awam yang membuang atau meninggalkan sampah mereka merata2 mecacatkan dan mencemar keindahan pantai2 ini.

Ia juga mengundang kedadiran binatang liar seperti anjing, babi, monyet dan sebagainya. Lebih teruk, ia boleh menyebabkan pengunjung lain terdedah kepada jangkitan kencing tikus.



Lepas kenyang, kita selalu lupa untuk bersyukur



Kenapa kotorkan  
tempat kita  
mencari rezeki ?  
nanti rezeki lari.....



Pantai2 dan tempat2 awam juga kita perhatikan, dicemari sampah2 yang dilupuskan secara tidak bertanggung-jawab oleh segelintir peniaga. Kotak2, tin2 susu, plastik ais dan lain2 adalah antara sampah2 yang kerap kita jumpa.





GPI di Pantai Sura, Dungun

# Bumi kita, tanggung-jawab kita

Tanggungjawab menjaga kebersihan dan memelihara alam sekitar kita adalah tanggungjawab kita bersama (shared responsibility), bukan hanya terletak di bahu Pihak Berkuasa Tempatan atau pekerja kebersihan.

Semaikan Rasa Kepunyaan (Sense of Belonging) dalam hati kita. Memang sampah ini bukan sampah kita tetapi tempat ini tempat kita tinggal, tempat kita berehat, pantai kita dan bumi kita. Jadi berusahalah kita untuk bersama2 memastikan kawasan kita bersih dan cantik.



To leave the world better than you found it, sometimes you have to pick up other people's trash.

Bill Nye



# Gapai Pahala Islah



GPI bergerak di atas usaha & keinginan hati untuk melihat negeri Terengganu menjadi lebih bersih dan cantik.

Usaha untuk mencantikkan kembali bumi Allah yang tercemar oleh sampah yang kita hasilkan.

Usaha untuk menyatukan komuniti kita ke arah yang lebih cakna dalam pemeliharaan dan pemuliharaan alam sekitar.

Usaha untuk memudahkan urusan saudara-saudara kita dalam kehidupan harian dan dalam urusan mencari rezeki.

Barangsiapa yang mempermudahkan kesulitan orang lain, maka Allah akan mempermudahkan urusannya di dunia dan di akhirat (HR Muslim)

# Gapai Pahala Ikhlas

GPI menyumbang atas dasar sukarela. Marilah kita luruskan niat kita dalam menyalurkan sumbangan tenaga, masa dan idea kita bersama-sama GPI.

Sesungguhnya setiap perbuatan itu tergantung pada niatnya. Dan setiap orang akan mendapatkan sesuai dengan apa yang ia niatkan

(HR Bukhari & Muslim)

Elakkan diri dari mengeluarkan kata2 caci atau menuding jari mencari salah terhadap mana2 pihak bila melihat kawasan kotor atau sampah merata2. Setiap pihak ada tanggungjawab, usaha dan kekangan masing2. Kita usahakan seikhlas hati kita dalam ruang lingkup kemampuan kita. Jadilah kita orang yang membantu bukan menyusahkan, menyelesaikan bukan mengusutkan, menyatu bukan memisahkan.

Jangan juga kita merasa kecewa jika banyak sampah di merata-rata. Anggap sampah2 itu sebagai peluang untuk kita terus mengGapai Pahala Ikhlas. Semoga ada balasan untuk kita di sana nanti.

Sahabat,

Hidup ini bukan tentang siapa yang terbaik,  
Tapi, tentang siapa yang mahu berbuat baik.



# Gapai Pahala Istiqamah

Usaha kita untuk membantu Terengganu menjadi lebih bersih adalah suatu perjuangan yang panjang dan berulang-ulang.

Perubahan sikap memerlukan masa yang lama.

Usah kita berputus asa jika pantai kembali kotor selepas beberapa hari dibersihkan. Usah kita berkecil hati jika usaha kita seakan tidak dihargai dan usah marah jika ada yang memperkecilkan usaha kita.

Sahabat,

Tatkala kita bercerita tentang istiqamah,  
Direndahkan tidak mungkin menjadi sampah,  
Disanjung tidak mungkin menjadi rambulan,

Jadi jangan risaukan kata-kata orang,

Sebab setiap orang membaca dengan pemahaman dan pengalaman yang berbeza,

Teruskanlah melangkah selama engkau di jalan Allah yang benar,

Mesti terkadang kebaikan tidak selalu dihargai,

Tidak perlu bersusah payah menjelaskan tentang dirimu,

Sebab yang menyukaimu tidak perlu itu,

Dan yang membencimu tidak percaya itu.

Laksanakanlah amalan semampu kita, kerana sebaik-baik amalan adalah yang dikerjakan secara berterusan walaupun sedikit.

(HR Ibnu Majah No 4230)



# Sikit-Sikit Lama-Lama Jadi Bersih

Perjuangan kita perlukan penyertaan dari segenap lapisan masyarakat. Sedikit usaha dari seorang individu, jika dilakukan beramai2 dan sekiranya mungkin akan menghasilkan pencapaian yang hebat.

Seorang sukarelawan boleh membersih 10m pantai dalam masa 1 jam. Jika hanya 2% penduduk Terengganu turun bersih pantai, kita boleh bersihkan keseluruhan 244km pantai dalam satu jam sahaja.

Jika seorang penduduk Terengganu kutip dan hantar kitar semula satu botol sehari, kita boleh kitar semula 24,000kg botol plastik sehari.





GPI di Drawbridge, Kuala Terengganu

# Di mana fokus plogging GPI ?

Majoriti plogging GPI adalah di pantai2 Terengganu. Ini adalah atas beberapa sebab :

- Pantai di Terengganu adalah aset Terengganu yang amat besar. Ianya menyumbang kepada ekonomi Terengganu.
- Pantai adalah kawasan yang amat tercemar akibat sampah bawaan air sewaktu musim tengkujuh.
- Ianya adalah tumpuan pengunjung yang menyebabkan banyak sampah tinggalan pengunjung di sini.
- Pantai yang bersih, selain menggalakan ekonomi sektor pelancongan, ia juga akan membantu pemuliharaan dan pendaratan penyu yang selaras dengan objektif "Sustainable Development Goals".

Walaubagaimanapun, GPI akan juga melakukan plogging di kawasan2 awam yang lain (seperti kawasan air terjun, sungai, taman permainan kanak2 dsbgnya) jika ada cadangan dan keperluan.



## Bila program GPI, bagaimana nak join dan apa yang perlu dibawa?

GPI cuba menganjurkan sebanyak mungkin plogging agar ramai yang berkesempatan untuk menyertainya. Biasanya GPI akan menjalankan plogging pada hujung minggu (Jumaat atau Sabtu).

Plogging akan bermula seawal 7:30 pagi untuk mengelakkan cuaca panas di tepi pantai. Kadang2 GPI buat plogging di waktu petang bilamana ramai pengunjung datang ke pantai sebagai salah satu cara menyedarkan dan menggalakkan mereka menjaga kebersihan.

GPI juga menggalakkan gengnya melakukan plogging sendirian di mana2 dan bila2 sahaja.

Bagi meringkaskan/menjimatkan kos program, plogging GPI biasanya tiada ucapan/ceramah (cuma ada taklimat keselamatan ringkas), tiada cabutan bertuah & tiada goodies.

Plogging ini adalah terbuka kepada sesiapa sahaja (walaupun bukan ahli GPI). Hanya perlu datang di tempat dan masa yang diiklankan. Plastik Ija, glove dan trash picker ada disediakan. Air minuman/mineral ada disediakan tetapi sukarelawan digalakkan membawa bekas air sendiri. Makanan ringan seperti roti kadang2 ada disediakan bergantung kepada kewangan GPI.




# Nak bawak ke mana hasil kutipan tu ?



Hasil pembersihan, kita kumpulkan, timbang (untuk rekod GPI) dan buang ke tong sampah berdekatan yang disediakan oleh pihak berkuasa tempatan (PBT).

Jika sebelum program bermula kita anggar sampah yang dikutip adalah banyak dan melebihi kapasiti tong sampah berdekatan, kita akan memohon bantuan PBT menyediakan lori atau tong RORO.

GPI tidak membenarkan sampah yang dikutip dibakar atau ditanam di pantai. Bergantung kepada kawasan, jika ada peluang, kita akan asingkan botol-botol plastik yang dikutip sepanjang program untuk dihantar ke pusat kitar semula.





Berdasarkan pengalaman semasa membersih pantai, jumlah botol plastik yang dikutip agak banyak.

Bermula Okt 2020, GPI mula mengasingkan botol2 plastik yang dikutip untuk tujuan kitar semula.

Hasil jualan botol2 plasik ini akan dimasukkan ke akaun GPI bagi digunakan untuk membiayai aktiviti GPI di masa hadapan.

Antara Okt 2020 hingga Dec 2022, GPI telah berjaya mengutip dan menghantar untuk kitar semula sejumlah 5,880 kg botol plastik (dianggarkan bersamaan 294,000 biji botol plastik).

Terdapat kekangan dari segi tempat pengumpulan botol2 plastik ini sebelum ianya dikutip oleh pembeli barang kitar semula. Bagaimanapun, GPI akan terus berusaha menambah baik aspek kitar semula dari masa ke semasa.

## GPI dan Kitar Semula





GPI di Pantai Bukit Keluang, Besut



## Anak2 dan GPI

Anak-anak kita adalah masa depan kita.

Ibu bapa digalakkan membawa anak-anak dalam aktiviti plogging/membersih pantai yang mereka sertai bagi memupuk kesedaran awal kepada anak2 tentang pentingnya penjagaan dan pemuliharaan alam sekitar serta masalah pencemaran plastik.

Melentur buluh biar dari rebungnya.



# Usahasama & kolaborasi

Usaha menjadikan Terengganu lebih bersih adalah usaha yang memerlukan sokongan dan kerjasama dari semula pihak dan lapisan masyarakat.

GPI menjemput dan mengalungkan kerjasama dan kolaborasi dengan pejabat kerajaan, badan korporat, syarikat swasta, IPTA/S, sekolah dan lain-lain untuk bersama-sama menjalankan usaha pembersihan pantai ini.


Lebih ramai kita, lebih banyak program boleh kita lakukan, lebih luas kawasan boleh kita usahakan, lebih banyak sampah kita boleh bersihkan, lebih cantik dan indah negeri kita.

Hubungi kami untuk kita rancang sesuatu bersama-sama.





Pada 25hb Sept 2022, GPI telah menandatangani Memorandum Persefahaman (MOU) dengan UiTM Cawangan Terengganu untuk sama-sama berganding bahu dalam usaha-usaha penjagaan alam sekitar dan kelestarian alam.



# Ada sijil penyertaan ?

Kepada yang memerlukan, untuk rekod kerja, untuk urusan sekolah dan lain-lain, GPI boleh mengeluarkan Sijil atau Surat Penghargaan/Penyertaan untuk setiap program.

Hanya beri nama kepada ketua GPI kawasan anda selepas setiap aktiviti. Kami akan sediakan e-Sijil untuk anda.





GPI di Pantai Jambu Bongkok, Marang

# Panduan ringkas merancang dan menjalankan Beach CleanUp / Plogging

- Kenal pasti pantai atau kawasan yang hendak dibersihkan.
- Kenal pasti siapa nak uruskan/mengetuai ?
  - Biasanya kita lah. Tak berat pun tugas ni, ianya menyeronokkan.
- Buat lawatan tapak kawasan yang hendak dibersihkan :
  - Penting jika kita panggil ramai peserta, sebab kalau tempat tak banyak sampah, akan rugi masa mereka.
  - Jika buat besar2an, sila maklumkan pihak PBT dan JPKK terdekat rancangan kita bersihkan pantai.
  - Periksa samada kereta/motor boleh sampai ke tempat itu dan di mana peserta perlu/boleh meletak kenderaan.
  - Kenal-pasti tempat bermula/berkumpul (di mana aktiviti bermula dan di mana sampah-sampah yang dikutip akan dikumpulkan).
  - Di mana nak buang sampah-sampah yang dikutip? Ada tong sampah besar atau kena buang di tempat lain? Boleh berkomunikasi dengan pihak PBT. Kalau dianggarkan sampah akan dikutip terlalu banyak, mohon PBT sediakan tong RoRo.
  - Jangan letak sampah yang dikutip di tempat yang tak sepatutnya, jika ada sisa makanan, nanti monyet atau anjing akan sepaksaan semula. Jangan bakar sampah. Ada tempat nak basuh tangan? Jika tiada, sediakan.
- Sediakan peralatan yang diperlukan :
  - Plastik Ija (Boleh beli di kedai Mr. DIY, biasa GPI pakai size M).
  - Glove (Cotton or Nitrile Glove)
  - Trash Picker
  - Air dan sabun untuk basuh tangan.
  - Refreshment (air + roti) – optional
  - Alat penimbang.
- Nak asingkan sampah untuk kitar semula? Untuk permulaan, tidak perlu asingkan dahulu. Fokus pada aktiviti pembersihan sahaja. Dapatkan "team momentum" dahulu. Kemudian baru tambah elemen kitar semula dalam aktiviti seterusnya.
  - Kenal-pasti barang apa yang boleh dikitar semula berdasarkan sampah apa yang biasa dikutip dan apa yang Pusat Kitar Semula berdekatan boleh terima. Selepas asing, nak hantar ke mana? Simpan dulu? Di mana nak simpan dulu ?  
Hasil jualan kitar semula boleh guna untuk biayai aktiviti seterusnya.
- Buat iklan, promosi untuk dapatkan sukrelawan : via Facebook, WhatsApp etc  
Tarikh, masa, tempat bermula.
- Jalankan aktiviti secara selamat.  
Patuhi aspek keselamatan/SOP semasa & setempat  
Ambil gambar aktiviti, gambar sebelum dan selepas juga gambar sukrelawan sedang beraktiviti.  
Kira berapa beg terkumpul (dan berapa berat) untuk rekod GPI.  
Boleh belajar ambil gambar di Facebook, di Page – iPhone Photography School.  
Untuk edit gambar, boleh guna Apps Snapsseed, Photoshop, Lightroom etc
- Ucap terima kasih pada sukrelawan.
- Kongsi aktiviti kita di media social.
- Elakkan menuding jari dan menyalahkan mana2 pihak jika kawasan kotor. Kita buat pembersihan secara sukarela, secara ikhlas atas sebab kita nak membantu Terengganu menjadi lebih bersih.

# Rekod Plogging GPI

	Jumlah Plogging	Jumlah Pantai	Volunteer (Dewasa)	Volunteer (Kanak2)	Hasil (kg)
2020	36	12	1,176	130	4,351
2021	147	37	1,776	127	11,450
2022	121	47	5,253	2,219	30,281



# Rekod Kitar Semula

	Berat (Kg)	Jumlah biji Botol
2020	1,285	64,250
2021	1,705	85,250
2022	2,890	144,500

Nota : 1 botol purata 20gm

# Pembangunan perjalanan program plogging GPI



GPI membiayai programnya melalui sumbangan yang disalurkan oleh orang awam, badan korporat dan sumbangan badan kerajaan. GPI juga mendapat sedikit dana daripada penjualan barang kitar semula yang dijalankan.

Bagi yang ingin menyumbang kepada GPI, boleh salurkan ke akaun GPI seperti di bawah.

Sumbangan dalam bentuk barang seperti Plastik Ija, Glove dan Air Mineral juga dialu-alukan.



1101683686  
BANK RAKYAT

Kelab Geng Plastik Hijau Terengganu



Dr. Ariff (0174068449)



KT



Kemaman

Ruslin (0139926791)



Abdul Rahim (0139276974)




Besut

# Ingin berhubung dengan GPI ?

Hanya perlu Wassap atau telefon  
ketua2 kita

Masdi (0137373094)



Dungun

Affafah (01978222129)



Keindahan suasana awal pagi di Pantai Santuari Penyu Ma' Daerah, Kertih



TERIMA  
KASIH

DANKSCHEEN  
SPASSIBO SHACHALHUYA NORON CHELTU YAQH/  
GRACIAS TASHAKKU!  
ARIGATO SHUKURIA HERASTANY  
TAVTAPOCH MEDAHAGSE JUSPAXAR  
GOZAIMASHITA EFCHARISTO AGUYJE  
FAKRAJE KOMAPSUMNIDA MAAKE  
GRAZIE MEHRBAU PALDIES  
BOLZİN MERCI